

Sarajevo, 03-11-2023  
Broj: 58-11-7-39716

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine), a na prijedlog Komisije za javnu nabavku Izvještaj br. 10-11-7-39373 od 01.11.2023. godine, Generalna direktorica donosi:

### **ODLUKU**

o izboru najpovoljnijeg ponuđača za nabavku digitalnog RTG aparata za potrebe O.J. Klinika za radiologiju (lokacija Klinika za ortopediju)

#### **I**

Prihvata se prijedlog Komisije po Izvještaju br. 10-11-7-39373 od 01.11.2023. godine, a nakon provedenog otvorenog postupka javne nabavke sa međunarodnom objavom objavljenog na portalu e-nabavke dana 17.03.2023. godine pod brojem 893-1-1-88-3-180/23 (sa ispravkama) i ugovor dodjeljuje najpovoljnijem ponuđaču:

#### **BERG d.o.o. Sarajevo**

za „Nabavku digitalnog RTG aparata za potrebe O.J. Klinika za radiologiju (lokacija Klinika za ortopediju)“  
TIP/MODEL i proizvođač: Digitalni RTG aparat „**DR 600 5530/100 proizvođača AGFA N.V.**“

Ukupna vrijednost nabavke: 450.000,00 KM bez PDV-a + PDV 76.500,00 KM = 526.500,00 KM sa PDV-om

- Ponudena cijena je nepromjenjiva, izražena u KM i podrazumijeva demontažu postojećeg RTG uređaja i iznošenje istog na lokaciju koju odredi investitor, djelimičnu adaptaciju prostora, isporuku, montažu i puštanje u rad nove opreme, te edukaciju uposlenika ugovornog organa
- Uslovi plaćanja: u roku 30 dana od dana demontaže postojećeg RTG uređaja i iznošenje istog na lokaciju koju odredi investitor, djelimične adaptacije prostora, isporuke, montaže, puštanja u rad, edukacije osoblja, te nakon potpisivanja Zapisnika/protokola o primopredaji opreme i ispostavljanja fakture.
- Rok za demontažu postojećeg RTG uređaja i iznošenje istog na lokaciju koju odredi investitor, djelimičnu adaptaciju prostora, isporuku, montažu, puštanje u rad opreme i edukacija osoblja je 120 dana od dana potpisivanja ugovora i prijema narudžbenice izdate od strane ugovornog organa.
- Garantni period u trajanju 24 mjeseca za isporučenu opremu teče od dana potpisivanja zapisnika/protokola o primopredaji.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

### **OBRAZLOŽENJE**

U skladu sa Odlukom Generalne direktorice KCUS-a broj: 58-11-3-11042 od 16.03.2023. godine, pokrenut je otvoreni postupak sa međunarodnom objavom za nabavku digitalnog RTG aparata za potrebe O.J. Klinika za radiologiju (lokacija Klinika za ortopediju). Procijenjena vrijednost nabavke je 450.000,00 KM bez PDV-a. Nabavka je planirana privremenim Planom javnih nabavki za 2023. god. pod kategorijom „robe-investicije“ redni br. 11. (Odluka o usvajanju privremenog Plana javnih nabavki Kliničkog centra Univerziteta u Sarajevu za 2023 godinu, broj: 56/23 br. protokola 65-04-2-4650 od 01.02.2023. godine). Sredstva za nabavku su obezbjeđena od strane Ministarstva finansija i trezora BiH.

*[Handwritten signature]*

Uslovi plaćanja predviđeni za postupak nabavke su plaćanje u roku 30 dana nakon isporuke robe, puštanja u rad, obostranog potpisivanja Zapisnika o primopredaji opreme i ispostavljanja računa (na osnovu dopisa Sektora za računovodstvo, plan i analizu br. 56-11-3-34249 od 15.07.2021. godine).

Klinički centar Univerziteta u Sarajevu je na portalu E-nabavke dana 17.03.2023. godine objavio obavještenje o nabavci broj: 893-1-1-88-3-180/23, zajedno sa Tenderskom dokumentacijom, kao i ispravku obavještenja o nabavci br. 893-1-1-88-8-323/23, zajedno sa izmjenama Tenderske dokumentacije dana 07.06.2023.godine.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 15 (petnaest), a ispravku tenderske dokumentacije preuzelo je 12 (dvanaest) potencijalnih ponuđača i to: BERG DOO, MEDICOM DOO, KRAJINAGROUP DOO, MEDIAL GRUPA DOO, MARK MEDICAL DOO, PHARMACOL INTERNATIONAL DOO, BBS EUROPE, SIEMENS MEDICINA DOO, MEDICAL DOO, ADRIALINE DOO, PROMEDING DOO i DIA PROM DOO.

Do vremena naznačenog u Ispravci za Obavještenje o nabavci broj 893-1-1-88-8-488/23 od 15.09.2023. godine 9:30 sati dana 25.09.2023. godine, na Protokol Kliničkog centra Univerziteta u Sarajevu dostavljene su 3 (tri) ponude, a što je evidentirano Zapisnikom o zaprimanju ponuda br. 10-33-4-34361 od 25.09.2023. godine i to:

PODACI IZ PONUDE	1.	2.	3.
Naziv ponuđača	SIEMENS MEDICINA d.o.o. Sarajevo	MEDICOM d.o.o. Bijeljina	BERG d.o.o. Sarajevo
Broj i datum ponude	10-11-3-34196 od 22.09.2023. u 10,32 sati	10-11-3-34319 od 25.09.2023. u 08,15 sati	10-11-3-34327 od 25.09.2023. u 8,46 sati

Komisija imenovana Odlukom broj: 01-04-4-24025 od 22.06.2023.godine i Izmjenom i dopunom odluke broj: 58-04-4-33925 od 20.09.2023. godine je izvršila detaljnu analizu dostavljenih ponuda, te sačinila Zapisnik o pregledu i ocjeni ponuda br. 10-11-7-39370 od 01.11.2023. godine kojim je konstatovala da:

**1. Ponuđač MEDICOM d.o.o. Bijeljina dostavio je ponudu za Digitalni RTG aparat „Digitaldiagnost C90, proizvođača Philips Medical Systems DMC GMBH“**

Uvidom u popunjen Aneks 3. i Kataloški (prospektni) materijal sa obilježenim (označenim) traženim, tehničkim karakteristikama Komisija je konstatovala da je ista nepravilna, jer nije dostavljena u skladu sa tenderskom dokumentacijom u dijelu Aneks 3 Tehničke specifikacija i to u tačkama: 2.5; 2.6; 2.8; 2.10; 3.6; 4.1; 4.3; 4.4; 4.5; 4.6; 4.7; 4.9; 4.11; 4.11; 4.12; 5.2; 5.4; 6.1; 6.2; 6.3; 6.4; 6.5; 6.6; 6.7; 6.8; 6.9; 6.10; 6.11; 6.12; 6.13; 6.14; 6.15; 6.16; 7.3; 8.2.2; 8.2.3; 8.2.4 i 8.2.5;

Osim gore navedenog ponuđač je u svojoj ponudi u tehničkoj specifikaciji (Aneks 3) na određenim mjestima naveo DA, te da je komisija uvidom u obilježenu katalošku dokumentaciju konstatovala kako je navod DA netačan, konstатовano je da je dao lažnu izjavu koju je potpisao u ANEKS-u 1 (OBRAZAC ZA PONUDE- Izjava ponuđača) gdje tačka 7. glasi “Odgovaramo za tačnost podataka navedenih u specifikaciji karakteristika tenderske dokumentacije, a radi nabavke odgovarajuće opreme i svjesni smo da će nas pogrešno navedeni podaci direktno eliminisati iz daljeg toka natjecanja.“

**Iz gore navedenih razloga ponuda ponuđača MEDICOM d.o.o. Bijeljina je ocijenjena kao nepravilna i ne učestvuje u daljem toku postupka javne nabavke.**

**2. Ponuđač SIEMENS MEDICINA d.o.o Sarajevo dostavio je ponudu za Digitalni RTG aparat „Digitalni RTG aparat MULTIX Impact C Siemens Shanghai Medical Equipment Ltd.“**

Ponuda ponuđača SIEMENS MEDICINA d.o.o Sarajevo nije formalno pravno i suštinski ispravna jer nije dostavljena u skladu sa sljedećim tenderskim zahtjevima:

- *Ponuđač nije dostavio Kataloški (prospektni) materijal sa obilježenim (označenim) i numerisanim tehničkim karakteristikama (npr. broj stranice xx iz kataloške dokumentacije na kojoj se nalazi tražena karakteristika*

upisati u kolonu „Broj stranice u prospektnoj /katalaškoj dokumentaciji“, pri tome u kataloškoj dokumentaciji istu markirati i numerisati brojem iz tehničke specifikacije-Aneks 3), a što je zahtjev u tenderskoj dokumentaciji naveden u tački 3.1.2 i u napomeni Aneks-a 3. Na osnovu obilježene kataloške dokumentacije Komisija konstatuje da li ponuda sadrži uređej koji ispunjava tehničke zahtjeve tako da je ne ispunjavanjem ovog zahtjeva to Komisiji onemogućeno. Osim navedenog ponuđač SIEMENS MEDICINA d.o.o. Sarajevo nije označio ni stranice svoje ponude.

**3. Ponuđač BERG d.o.o. Sarajevo dostavio je ponudu za Digitalni RTG aparat „DR 600 5530/100 proizvođača AGFA N.V.**

Pregledom ponude ponuđača BERG d.o.o. Sarajevo Komisija je konstatovala da ista ispunjava formalno pravne i tehničke zahtjeve, te je prihvatljiva, pa može biti predmet vrednovanja i može učestvovati u daljem toku postupka javne nabavke.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, te se **postupak okončava u skladu sa članom 69. ZJN.**

Uzimajući u obzir naprijed navedeno, Komisija Izvještajem br. 10-11-7-39373 od 01.11.2023. godine i Zapisnikom o pregledu i ocjeni ponuda predlaže da se ugovor za „Nabavku digitalnog RTG aparata za potrebe O.J. Klinika za radiologiju (lokacija Klinika za ortopediju)“ **dodijeli ponuđaču BERG d.o.o. Sarajevo.**

Prijedlog Komisije je prihvaćen i donosi se odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:  
- Ponuđačima;  
- Tehnički sektor  
- a/a KCUS